

ISOPTO CARPINE EYE DROP

Pilocarpine Hydrochloride (2%w/v)

Apakah yang ada pada risalah ini

1. Apakah kegunaan Isopto Carpine
2. Bagaimana Isopto Carpine berfungsi
3. Sebelum menggunakan Isopto Carpine
4. Cara menggunakan Isopto Carpine
5. Semasa menggunakan Isopto Carpine
6. Kesan-kesan sampingan
7. Cara penyimpanan dan pelupusan Isopto Carpine
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Isopto Carpine

Isopto Carpine digunakan untuk mengawal tekanan mata dalam glaukoma.

Bagaimana Isopto Carpine berfungsi

Isopto Carpine berfungsi dengan menyebabkan anak mata mengecil dan mengurangkan jumlah cecair di dalam mata.

Sebelum menggunakan Isopto Carpine

Bila tidak boleh menggunakan

Jangan gunakan Isopto Carpine

- Jika anda alah kepada pilocarpine atau mana-mana kandungan Isopto Carpine yang lain.
- Jika anda mempunyai keradangan mata.

Mengandung dan menyusukan anak

Sekiranya anda sedang mengandung atau menyusu, anda rasa anda mungkin mengandung atau merancang untuk mendapatkan bayi atau menyusukan anak, tanya doktor atau ahli farmasi anda sebelum menggunakan Isopto Carpine.

Warga emas (65 tahun ke atas)

Anda boleh menggunakan Isopto Carpine dos yang sama seperti orang dewasa yang lebih muda jika anda berumur 65 tahun ke atas.

- Sebelum mula menggunakan Isopto Carpine

Amaran dan langkah berjaga-jaga
Sekiranya anda mengalami salah satu

masalah di bawah, beritahu doktor atau ahli farmasi anda sebelum menggunakan Isopto Carpine:

- Jika anda mempunyai retina yang tertanggal.
- Sekiranya anda masih muda dengan rabun jauh.
- Jika anda mempunyai mana-mana kerosakan pada kornea atau bahagian lain pada mata anda
- Jika anda menghadapi masalah dengan pengaliran aqueous humor (cecair di dalam mata)
- Jika anda mempunyai masalah jantung, atau serangan jantung baru-baru ini
- Jika anda mempunyai masalah tekanan darah
- Jika anda mempunyai asma
- Jika anda mempunyai ketidakupayaan atau kesukaran membuang air kencing
- Jika anda mempunyai ulser perut atau kekejangan perut dan usus
- Jika anda mempunyai tiroid yang terlalu aktif
- Jika anda mempunyai penyakit Parkinson

Jika anda memakai kanta sentuh

Anda perlu mengeluarkan kanta sentuh (keras atau lembut) sebelum menggunakan Isopto Carpine dan tunggu sekurang-kurangnya 15 minit sebelum meletakkan kanta sentuh anda semula. Pengawet dalam Isopto Carpine (benzalkonium chloride) boleh menyebabkan kerengsaan mata dan juga menukar warna kanta sentuh.

- Jika mengambil ubat-ubat lain

Beritahu doktor atau ahli farmasi anda jika anda sedang menggunakan, baru-baru ini menggunakan atau mungkin akan menggunakan sebarang ubat lain, termasuk ubat yang dibeli tanpa preskripsi.

Jangan menggunakan dos yang melebihi apa yang diberitahu oleh doktor atau pembekal kesihatan anda.

Cara menggunakan Isopto Carpine

Sentiasa gunakan ubat ini sama seperti yang diberitahu oleh doktor atau pembekal kesihatan anda.

Rujuk kepada doktor atau ahli farmasi jika anda tidak pasti.

- Berapa banyak harus digunakan

2 titisan ke dalam mata 3 kali sehari atau seperti yang dinasihatkan oleh doktor.

- Bila perlu digunakan

Ikut arahan doktor atau ahli farmasi anda.

- Berapa lama perlu digunakan

Teruskan penggunaan ubat ini untuk tempoh masa yang ditetapkan oleh doktor anda.

- Jika terlupa menggunakan

Jika anda terlupa menggunakan Isopto Carpine, teruskan dengan dos seterusnya seperti yang dirancang.

Sekiranya sudah hampir masa untuk dos seterusnya, abaikan dos yang tertinggal dan kembali kepada jadual dos biasa anda. Jangan ambil dos berganda untuk menggantikan dos yang tertinggal.

- Jika mengguna berlebihan (terlebih dos)

Jika anda menggunakan dos Isopto Carpine lebih dari yang sepatutnya, bilas dengan air suam. Jangan tambahkan lagi titisan sehingga masa untuk dos biasa seterusnya. Jika tertelan, hubungi doktor. Simptom terlebih dos mungkin termasuk: sakit kepala, pengeluaran air liuh, berpeluh, pengsan, kadar jantung yang perlahan, tekanan darah menurun, kekejangan abdomen, muntah, asma dan cirit-birit.

Semasa menggunakan Isopto Carpine

- Perkara yang perlu dilakukan

Jika anda menggunakan ubat salap mata atau ubat mata yang lain, biarkan sekurang-kurangnya 5 minit antara setiap ubat. Salap mata perlu digunakan terakhir.

Selepas penutup dibuka jika 'tamper evident snap collar' menjadi longgar, keluarkanlah sebelum menggunakan produk.

Untuk mengelakkan hujung penitis dan larutan ubat mata daripada dicemari, berhati-hati supaya tidak menyentuh mana-mana permukaan dengan hujung penitis. Hujung penitis juga tidak harus tersentuh mata kerana ini mungkin mencederakan mata.

Isopto Carpine hanya boleh dititiskan pada mata anda.

Selepas menggunakan Isopto Carpine, tutup mata anda dan tekan sudut mata anda yang menghampiri hidung dengan jari selama 2 minit. Ini dapat mengehadkan Isopto Carpine untuk memasuki ke dalam saluran darah dalam badan.

Sekiranya titisan terlepas dari mata, cuba sekali lagi.

- Perkara yang tidak boleh dilakukan

Jangan berhenti mengambil ubat ini kecuali diarahkan oleh doktor anda.

Jangan mula mengambil sebarang ubat baru tanpa berbincang dengan doktor atau ahli farmasi anda.

Jangan berikan Isopto Carpine kepada sesiapa, walaupun mereka mempunyai simptom atau keadaan yang sama dengan anda.

- Perkara yang perlu diberi perhatian Memandu dan menggunakan jentera

Isopto Carpine mempunyai pengaruh besar dalam keupayaan untuk memandu dan menggunakan jentera. Isopto Carpine boleh menyebabkan penglihatan menjadi kabur dan kesukaran penyesuaian mata untuk melihat di dalam gelap. Jangan memandu atau gunakan jentera sehingga kesan ini hilang.

Kesan-kesan sampingan

Seperti ubat-ubatan lain, pengguna ubat Isopto Carpine mungkin mengalami kesan sampingan, walaupun bukan semua orang mengalaminya.

Sekiranya anda mengalami salah satu kesan-kesan sampingan di bawah, beritahu doktor, ahli farmasi atau pembekal kesihatan anda.

Sangat biasa: mungkin menjejaskan lebih daripada 1 dalam 10 orang

- Kesan pada mata: penglihatan kabur
- Kesan sampingan umum: sakit kepala

Biasa: mungkin menjejaskan sehingga 1 dalam 10 orang

- Kesan pada mata: bintik-bintik dalam penglihatan anda, darjah penglihatan berkurang, sakit mata, kilasan cahaya, kerengsaan mata, kemerahan mata
- Kesan sampingan umum: pening, mual

Tidak biasa: mungkin menjejaskan sehingga 1 dalam 100 orang

- Kesan pada mata: retina koyak, pendarahan di dalam mata, penanggalan cecair di dalam mata, bengkak kelopak mata, pengurangan saiz anak mata, silau, rasa yang tidak normal di mata

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers→ Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Isopto Carpine

- Penyimpanan

- Simpan di bawah 30 °C.
- Jangan menggunakan ubat ini sekiranya melepasi tarikh luput yang dinyatakan pada bungkusan.
- Jauhi daripada kanak-kanak.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Larutan mata yang steril.

Larutan jernih tidak berwarna hingga kuning pucat dalam botol 15ml.

- Bahan-bahan kandungan

- Bahan aktif
2% w/v pilocarpine hydrochloride

- Bahan tidak aktif
Benzalkonium chloride, boric acid, sodium citrate, hydroxypropyl methylcellulose, hydrochloric acid and / or sodium hydroxide (to adjust pH), purified water.

- Nombor MAL

MAL19920195ARZ

Pengilang

Novartis Manufacturing N.V.
Rijksweg 14
2870 Puurs-Sint-Amands
Belgium.

Pemegang Pendaftaran Produk

Novartis Corporation (Malaysia) Sdn. Bhd.
Level 18, Imazium,
No. 8, Jalan SS21/37,
Damansara Uptown,
47400 Petaling Jaya, Selangor, Malaysia.

Tarikh kemaskini RiMUP

27/01/2025

Informasi dikeluarkan

25/10/2021

Nombor Siri